

SO OKIT A KIYASAMBAYANG O NABI (ﷺ)

So langowan o podi na rek o Allah a Isa-isa, so Salawat agoso kalilintad na mambagi-an o oripen Iyan ago Sogo Iyan a Nabi Muhammad (ﷺ) agoso manga sisipeg iyan agoso manga Sahaba niyan. Aya orianian:

Giya-i na manga katharo a mapontok a osayan ko ropaan o kiyasambayang o Nabi (ﷺ), a kabaya aken a iphalad aken ko langowan a Muslim a dato ago Muslim a bai, ka an kapanamari o langowan a pepakabatiyaon a kasonggiringi niyan ko Nabi (ﷺ) sii ko mipantag san, misabap ko katharo o Nabi (ﷺ) a:

()

"Sambayang kano sa datar o kiyailaya niyo raken a diaken di-i kasambayang." Piyanothol i Bukhari.

Sa kati-i so osayan anan:

1. Tharotopen iyan so kapagabdas, sa phagabdas sa datar o kinisagoonon o Allah, sii ko kiyatharoa Niyanon:

﴿ يَا أَيُّهَا الَّذِينَ ءَامَنُوا إِذَا قُمْتُمْ إِلَى الصَّلَاةِ
فَاغْسِلُوا وُجُوهَكُمْ وَأَيْدِيَكُمْ إِلَى الْمَرَافِقِ وَامْسَحُوا
بِرُءُوسِكُمْ وَأَرْجُلَكُمْ إِلَى الْكَعْبَيْنِ ﴾ [:]

"Hay sekano a miyamaratiyaya na igira a ithindeg iyo so sambayang na abdas niyo so manga paras iyo

agoso manga lima niyo taman ko manga siko, nago sapowa niyo a ig so manga olo niyo, nago abdasa niyo so manga seki niyo taman ko dowwa bokowa a-i." (Surah # 5: 6)

Goso katharo o Nabi (ﷺ) a:

()

"Di tharima-an so sambayang a da a abdason." Piyanthol i Muslim

2. Magadap so pesambayang sa Kiblat, a giya Ka'bah, sa apiya anda matatago, sa soden so kalangowan o lawas iyan, sa ithitik iyan sa poso iyan so sambayang a pesambayangan iyan, paralo antawa-a ka sonat, sa di niyan iplapal so niat iyan, sabap sa kagiya so kilapalen ko niat na kenaoba sosogoon ka Bid'ah, sabap ko daon kanggolawla-a o Nabi (ﷺ) agoso

manga Sahaba niyan – miyasoat kiran so Allah.

Go thagoan iyan sa alang (Sotrah) so diniyan di-i sambayanan amayka sekaniyan na Imam odina tarambisa.

So kaadap sa Kiblat na sarat o sambayang, inontabo si-i ko manga bitiyara a miyatabiya a katawan, a miyapagosay si-i ko manga kitab o manga Ulama.

3. Thakbir sa Takbiratol Ihram, petharoon iyan so: Allaho Akbar, sa aya papatengan iyan naso darpa a pesojodan iyan.

4. Iphoro iyan so mbala a lima niyan ko kathakbir iyan, sii ko pantag a waga niyan odina so tangila niyan.

5. Imbetad iyan so mbala a lima niyan ko rareb iyan, so kawatan a palad iyan na imbetad iyan ko likod o diyawang a palad

nyan, ko boko a lima niyan agoso barokan
nyan, sabap ko kiyatanto niyan a
pinggolawla o Nabi (ﷺ).

6. Sonat so kabatiya-a niyan ko dow-a
(Du'a) a ipeleka ko sambayang:

)

(

“Ya Allah na pakawatanakongka ko
manga dosako, sa datar o kiyapaka
khawatanaangka ko sebangan ago
sedepan, ya Allah na soti akongka
phoon ko manga dosako, sa datar o
kapekasoti o mapoti a nditaren phoon
ko marzik, ya Allah na lalasanka

raken so manga dosako a ig ago biyaw
ago matenggaw.”

Sa opamao kabaya iyan na khapakay a
isambi iyanon so:

)
(

“Miyasotisotika ya Allah ago rek Ka so
bantogan, go miyasotisoti so
Ingaranka, go miyamondiyong so
kabsaranka, go da a pesimbaan a
benar arowar Reka.”

Sa opamao ndowa-a sa salakaw a dow-a
a miyatanto a phoon ko Nabi (ﷺ) na da a
karata iyan, sa aya mapiya na makaisa na
giyaya i indowa-a niyan, na makaisa na
giyoto, sabap sa giyanan i kakhatarotopi

ko kapesongkada ko inokitan (Sunnah) o Nabi (ﷺ), orianiyán na tharoon iyan so:

()

“Melindong ako ko Allah phoon ko karataan o shaitan a pimorkaan. Phanagiphoon ako sa Ingaran o Allah a Masalimoon a Masalinggagaw.”

Na batiyaan iyan so Surah al-Fatiha, sabap ko katharo o Nabi (ﷺ) a:

()

“Da a sambayang o taw a di niyan batiyaan so Fatiha.” Piyanothol i Bukhari

Sa petharoon iyan ko orian oto so: Ameen, sa iphakanog iyan ko sambayang a ipepakatanogon so batiya, na izolen iyan ko sambayang a diron

iphakatanog so batiya, orianian na isakeb iyan so khaparowan iyan ko manga ayat sa Qur'an, sa aya taralbi a ipesakeb iyan ko sambayang a Lohor ago Asar ago Esha naso manga Surah a mathangka¹ i katas, na si-i ko sambayang a Soboh (Fajr) naso manga atas² a Surah, naso sambayang a Magrib na makaisa naso manga atas a Surah, na makaisa naso manga bababa³ a Surah, ka onot ko manga Hadis a miyapanothol mipantag san.

7. Meroko sa petharoon iyan so: Allaḥo Akbar, sa iphoro iyan so dowā lima niyan si-i ko pantag o mbala a waga niyan, odina so tangila niyan, sa giya olo niyan na maka-angen sa likod iyan, sa igagamak iyan so dowā palad iyan ko dowā leb iyan

1 Ippoon ko Surah an-Naba () na taman ko Surah al-Layil ().

2 Ippoon ko Surah Qaaf () taman ko Surah al-Morsalat ().

3 Ippoon ko Surah ad-Dhoha () taman ko Surah an-Nas ().

sa kekerangen iyan so manga kemer iyan,
sa romerenek ko karoroko iyan, sa
thontolen iyan so:

()

“Miyasotisoti so Allah a Kadnanko a
Mala.”

Sa aya taralbi na pekasoyin iyan sa
makatlo odina na kalawanan so makatlo,
go sonat so kipsompaten iyanon ko:

()

“Miyasotisotika ya Allah ago rek Ka so
bantogan, ya Allah na rila-i akongka.”

8. Pembangon si-i ko karoroko iyan sa
iphoro iyan so mbala a lima niyan si-i ko
pantag a waga niyan odina so mbala a
tangila niyan, sa petharoon iyan so:

()

“Miyaneg o Allah so taw a miyantogon.”

Sa amayka sekaniyan na magi-imam odina thatarambisa, na petharoon iyan ko kapakambangon iyan so:

)

(

“Hay Kadnan ami na rek Ka so bantogan a madakel a mapiya a babarakaten a phakapeno ko manga langit ago phakapeno ko lopa, ago phakapeno ko nganin a kabayaaka a sai a oriyan anan.”

Amay paman ka sekaniyan na Ma'moom,
na aya petharoon iyan ko kapakambangon
iyan naso:

(...)

Taman ko kapos iyan a miya-aloy.

Sa opamao sompatenon o oman i isa kiran,
maana so Imam agoso Ma'moom agoso
thatarambisa (Momparid), so katharoa
niyan ko:

)

(

“Seka i khirek ko bantogan agoso
kabsaran, aya miyapatot a di-i tharoon
o oripen, sa palaya kamingkaden

oripen, ya Allah na da a phakaren ko nganin a inibegayingka, nago da a phakabegay ko nganin a siyangka aka, nago di phakanggay a gona ko mala i ontong so ontong iyan sa kakhitanaon o siksaaka, inontabo so amal iyan a mapiya.”

Na aya mapiya, sabap ko kiyatanto niyan a pinggolawla o Nabi (ﷺ), go sonat so kibetaden o oman i isa kiran ko dowo lima niyan si-i ko rareb iyan, sa datar o siyowa iyan ko katitindeg iyan ko da niyan pen karoko, sabap ko kiyatanto o Hadis a makanggogonanao san sa pinggolawla o Nabi (ﷺ), phoon ko Hadis i Wael Ibn Hajar, ago si Sahl Ibn Sa’ad, miyasoat kiran a dowo so Allah.

9. Sojod sa petharoon iyan so: Allaho Akbar, sa ipagona niyan tomana so dowo leb iyan, na gobo so dowo palad iyan amayka khaparowan iyan, amay peman ka

karegenanon na onaan iyan tomana so
dowa palad iyan na gobo so dowa leb iyan,
sa pakasangoren iyan so manga kemer a
a-i niyan agoso lima niyan sa Kiblat, sa
titimoon iyan so manga kemer a lima niyan
a bebeteren iyan, sa aya isojod iyan naso
pito a anggawta iyan: So beneng iyan a
rakes o ngirong iyan, goso mbala a lima
niyan, goso dowa leb iyan, go ithana iyan
angkai a didalem a pakato' a manga kemer
a a-i niyan, sa petharoon iyan so:

()

“Miyasotisoti so Kadnanko a Maporo.”

Aya sonat na makatlo niyan makasoy odina
kalawanan so makatlo, go sonat a isompat
iyanon so:

)
(

“Miyasotisitika ya Allah a Kadnan ami ago rek Ka so podi, ya Allah na rila-i akongka.”

Sa pakadakelen iyan so diniyan di-i kandowa-a, sabap ko katharo o Nabi (ﷺ) a:

)
(

“Sopman so karoroko na podiya niyo ron so Kadnan (Allah), naso kasosojod na panamar kano ron mamangni ka

patot a katharima-aon." Piyanothol i Muslim.

Sa phamangnin iyan ko Kadnan iyan a kaparoliya niyan ko mapiya si-i sa donya ago si-i sa akhirat, sa mlagid o giyangkoto a sambayang na paralo antawa-a ka sonat, sa lelekaten iyan so dow a pamakelawan iyan ko dow a kilid iyan, nago giya tiyan iyan si-i sa bobon iyan, nago lelekaten iyan so dow a bobon iyan ko mbala a pamosoan iyan, nago ibabayaw niyan so dow a siko niyan, sabap ko katharo o Nabi (ﷺ) a:

)
(

"Pakatithowa niyo a lawas iyo si-i ko kasosojod, sa oba pembedaden o isa rekano so dow a siko niyan sa datar o

kambebeter o aso." Piyagayonan i Bukhari ago si Muslim.

10. Pembangon sa petharoon iyan so: Allaho Akbar, sa ndidalemen iyan so diyawang a parapara niyan na pagontodan iyan, sa ithadek iyan so kawanana a parapara niyan, na imbetad iyan so dowapalad iyan ko dowabobon iyan agosodowa leb iyan, sa petharoon iyan so:

)
(

"Hay Kadnanko na rilai akongka, go kalimoon akongka, go toroakongka, go rizki-i akongka, go maapi akongka, nago angkosi akongka."

Sa thareg sangkoto a kao-ontod iyan.

11. Petharoon iyan so: Allaho Akbar, na sojod sa ikadowa a sojod, sa aya sowa-an iyan naso siyowa iyan ko paganay a sojod.

12. Pembangon na petharoon iyan so: Allaho Akbar, nago magontod sa di mathay sa datar o kaontod ko pagletan o dowo a sojod, aya ipembeto san na kadeka, sa giyanan na sonat, sa opamao bagaken iyan na da a karata iyan, go da abaon phamatiyaan ago dowo-a, orianiyan na tomindeg sa ikadowa rakaat sa dedekenan iyan so dowo leb iyan amayka khalbodanon, na amayka karegenanon na si-i deken sa lopa, orianiyan na batiyaan iyan so Surah al-Fatiha agoso khaparowan iyan a ayat sa Qur'an ko oriyan o Fatiha, orianiyan na nggolawlaan iyan so datar o pinggolawla niyan ko paganay a rakaat.

13. Amayka so sambayang na dowo rakaat - kandowo rakaat - ka ibarat o sambayang a Soboh (Fajr) agoso sambayang Jum'ah

agoso dowa Boka (Boka sa powasa ago Boka sa hariraya), na montod ko oriyon o kapakambangon iyan sa sojod a ikadowa sa itatadek iyan so kawanan a parapara niyan, na dididalemen iyan so diyawang a parapara niyan a o-ontodan iyan, sa ibebetad iyan so kawanan a palad iyan ko kawanan a bobon iyan, sa kekempelen iyan so manga kemer iyan langon, inontabo so tindoro iyan ka ipethoro iyan sa diniyan di-i kazaksi-i sa da a pesimbaan a benar arowar ko Allah, sa opamao aya kempela niyan naso tingting iyan agoso diramanis iyan ko kawanan a lima niyan, na pakatemon iyan so ama a lima niyan agoso lomalabaw niyan na itotoro iyan so tindoro iyan na giyoto i mapiya, sabap ko kiyatanto angkanan a dowa a okit a inokitan o Nabi (ﷺ), sa aya mapiya na diniyan di-i pakapelibangen, makaisa na giya-i, na makaisa na giyoto, sa imbetad iyan so diyawang a palad iyan ko diyawang a bobon iyan agoso leb iyan, orianiyan na

batayaan iyan so Tahayat Akhir
(At-Tashahhod) sangkoto a kao-ontod
iyan, a giyanan so:

)

(

)

.

(

“So sela-sela agoso manga sambayang
goso manga pipiya na rek o Allah, so
kalilintad agoso limo o Allah agoso

kabarakat Iyan na mambagianka hay Nabi ami, so kalilintad na mambagian ami agoso manga oripen o Allah a manga Salih. Pesaksian aken a da a pesimbaan a benar arowar ko Allah, go pesaksian aken a mataan a so Muhammad na oripen Iyan ago Sogo Iyan.”

“Ya Allah na salawatingka so Muhammad agoso manga sisipeg o Muhammad, sa datar o kiyasalawatingka ko Ibrahim agoso manga sisipeg o Ibrahim. Mataan a Seka i kapapatotan ko podi a khirek ko bantogan. Ya Allah na lekaingka ko Muhammad so kabarakat agoso manga sisipeg o Muhammad, sa datar o kinibegankaon ko Ibrahim agoso manga sisipeg o Ibrahim si-i ko manga kaaden. Mataan a Seka i kapapatotan ko podi a khirek ko bantogan.”

Nago lomindong ko Allah si-i ko pat betad,
sa tharoon iyan so:

)

(

“Ya Allah na mlindong ako Reka ko
siksa ko Naraka, goso siksa ko kobor,
goso tiyoba ko kaoyagoyag agoso
kapapatay, goso tiyoba ko
kaphakatoron o Masih ad-Dajal.”

Orianiyan na pamangnin iyan so nganin a
kabaya iyan a mapiya si-i sa donya ago sa
akhirat, sa opamao pamangnin iyan so
mbala a lokes iyan odina so salakaw kiran
a dow a ped ko mga Muslim, na da a
karata iyan – mlagid o giyangkoto a
sambayang na paralo antawa-a ka sonat –
sabap ko kapakararangkong o katharo o

Nabi (ﷺ), si-i ko Hadis o Ibn Mas'owd gowani a ipangenda-o niyanon so kathahayat (At-Tashahod).

Orianiyan na mamamili ko manga dowa-a¹ sa saden sa khabayaan iyanon na indowa-a niyan, go aya ped a kinilapal iyan na: Mamamili sa saden sa khabayaan iyan a phamangnin iyan, sa giyanan na langkap ko langowan a pakanggay a gona ko oripen si-i sa donya ago sa akhirat, orianiyan na zalam sa kawatan ago sa diyawang, sa tharoon iyan so:

()

()

1 Inisompat ami sa kaposan angka-i a kitab so saba-ad ko manga dowa-a a ppoon sa Qur'an agosa Hadis, a khapakay a di-i mindowa-a o taw a kabaya iyan. (So *mindiyorobasa*)

“So kalilintad agoso limo o Allah na mambagian iyo.”

14. Amayka so sambayang na telo rakaat, ka ibarat o Magrib, odina pat rakaat ka ibarat o Lohor ago Asar ago 'Esha, na tontolen iyan so Tahayat (Tashahod) a miya-aloy, a rakes o Salawat ko Nabi (ﷺ), orianiyen na tomindeg sa dedekenan iyan so dowan leb iyan, sa iphoron iyan so dowan palad iyan sa pantag a waga niyan odina sa tangila niyan, sa petharoon iyan so : Allaho Akbar, ago imbetad iyan so dowan palad iyan sa rareb iyan, sa datar o kiya-aloy niyan sa mona, sa ayabo a mbatiyaan iyan nasong Fatiha (maana da a sakeb iyan) sa opamao igirakowan na (pesalaki niyan a) pesakeb ko ikatlo rakaat ago ikapat rakaat si-i ko Lohor a liyo ko Fatiha na da a karata iyan, sabap ko aden a miyatoon a Hadis a so Nabi (ﷺ) a pinggolawla niyan anan, a ped ko Hadis a piyanothol i Abo Sa'ed - miyasoaton so Allah.

Orianiyan na pethahayat (mbatiyaan iyan so Tashahod) ko oriyan o ikatlo rakaat ko Magrib, ago si-i ko ikapat rakaat ko Lohor ago Asar ago 'Esha, sa datar o kiya-aloy niyan sa mona ko sambayang a dowarakaat, orianiyan na pesalam sa kawananan ago sa diyawang, na peparakala (sa ithasbih iyan) sa makatlo so:

()

“Phangni ako sa rila ko Allah a lebi a Mala.”

Orianiyan na si-i ko da niyan pen kasangor ko manga taw, amayka sekaniyan i Imam na tharoon iyan so:

)
(

“Ya Allah na ingaranka so Salam,
nago si-i Reka phoon so Salam
(kalilintad), miyasotisitika ya Allah a
khirek ko kabsaran ago sakasakaw.”

Orianiyan na tharoon iyanon so:

)

(

“Da a pesimbaan a benar arowar ko
Allah a Isa-isa a da a sakotowa Iyan,
rek Iyan so kadato ago rek Iyan so
podu, go Sekaniyan na langowan

taman na magagaos Iyan. Ya Allah na da a phakaren ko nganin a inibegayingka, nago da a phakabegay ko nganin a siyangka aka, nago di phakanggay a gona ko mala i ontong so ontong iyan sa kakhitanaon o siksaaka, inontabo so amal iyan a mapiya. Da a paar ago da a bager inonta so bager o Allah. Da a pesimbaan a benar arowar ko Allah, go da a pesimbaan ami arowar Rekaniyan, rek Iyan so limo agoso kalbihan, go bagian Iyan so bantogan a mapiya, da a pesimbaan a benar arowar ko Allah, sa totobohalosen ami Ron so paratiyaya, apiyapen da masoat so manga kapidir.”

Na itasbih iyan sa mbabakatlo-polo ago telo (33) so:

() () ()

“Miyasotisoti so Allah.”

“So podi na rek o Allah.”

“So Allah na Mala.”

Na si-i ko ikamagatos na tharoon iyan so:

()

“Da a pesimbaan a benar arowar ko Allah a Isa-isa a da a sakotowa Iyan, rek Iyan so kadato ago rek Iyan so podi, go Sekaniyan na langowan taman na magagaos Iyan.”

Nago batiyaan iyan so Ayatol Korsi¹ agoso Surah al-Ikhlās, goso Surah

¹ Khabatiyaaka angkai a Ayat ago mga Surah

()

al-Falaq, goso Surah an-Nas, si-i ko oriyan o oman i sambayang.

Go sonat so di-i kakhasokasoya sangkai a telo a manga Surah sa mbabakatlo, ko oriyan o sambayang a Soboh (Fajr) agoso sambayang a Magrib, sabap ko aden a manga Hadis a miya-aloy a phoon ko Nabi (ﷺ) mipantag san, sa kalangowan angkai a manga Tasbih na sonat kenaoba paralo.

Go isosogo ko oman i Muslim a dato ago Muslim a bai a kazambayang iyan ko onaan o sambayang a Lohor sa pat rakaat (makadowa kazalami), na si-i ko oriyan iyan na dowo rakaat, go si-i ko oriyan o sambayang a Magrib na dowo rakaat, go si-i ko (oriyano) sambayang a 'Esha na dowo rakaat, nago si-i ko onaan o sambayang a Sobo (Fajr) na dowo rakaat, sa langon anan, na sapolo ago dowo (12)

si-i ko pandangan a (33-34).

rakaat, sa giyai i manga sambayang a sonat a pembethowan sa Sunan ar-Rawatib, sabap ko kasisiyapaon o Nabi (ﷺ) igira a matatago sa dalem a inged ... na igira a di-i mlayalayag na ipembagak iyan, inontabo so sonat si-i ko onaan o Sobo (Fajr) agoso sambayang a Witr, ka mataan a so Nabi (ﷺ) na di niyan iphanalipendaan igira a makai-inged ago di-i mlayalayag.

Sa aya taralbi na giyangkai a manga sambayang a sonat (Sunan ar-Rawatib) agoso sambayang a Witr, na si-i niyan di-i sambayangi sa walay, sa opamao sambayangi niyan sa Masjid na da a karata iyan, sabap ko katharo o Nabi (ﷺ) a:

()

"Aya pirmiro a sambayang o taw naso sambayang iyan sa walay niyan, inontabo so paralo." Piyagayonan i Bukhari ago si Muslim.

So kasisiyapa sangkai a manga sonat na ped ko manga sabap a khisold sa sorga, sabap ko katharo o Nabi (ﷺ) a:

)

(

"Sataw a sambayang sa sapolo ago dowo (12) rakaat a sonat si-i ko mabasa alongan ago mabasa gawi-i, na pakimbalay o Allah sa walay niyan si-i ko sorga." Piyanothol i Muslim si-i ko Kitab iyan a Sahih Muslim.

Sa opamao sambayang sa pat (4) rakaat ko onaan o Asar ago dowo rakaat ko


onaan o sambayang a Magrib, nago dowa rakaat ko onaan o sambayang a 'Esha na aya mapiya, sabap sa aden a Hadis Sahih a makanggogonanao sa so Nabi (ﷺ) na pinggolawla niyan.

MANGA DOWA-A¹


)

1 Giyangkai a manga dowa-a na inabat ko Kitab a ***Hisnul Muslim*** a rek i *Shaikh Sa'ed bin Wahaf al-Qahtani*, ka araparap sa kanggonaan o taw a kabaya iyan, go inaloy ami si-i ko Footnote o omani dowa-a so number iyan ko Kitab a *Hisnul Muslim*, ka an marayag so kapeloloba-aon. (*So mindiyorobasa*)

'.(



1 No. (71), Ayat al-Kursi.



-
- 1 No. (70), Surah al-Ikhlās, al-Falaq, an-Nas.
 - 2 No. (72), makasapolo makasoy ko oriyān o sambayang a Magrib ago 'Esha.

'.(

)

.

'.(

)

'.(

)

-
- 1 No. (79).
 - 2 No. (82).
 - 3 No. (88).

'.(

)
'.(

)

.

1 No. (64).
2 No. (95).

'.(

)

ʳ.(

)

ʳ.(

-
- 1 No. (107).
 - 2 No. (118).
 - 3 No. (136).

)
'.(

)

٢.(

)

1 No. (127).
2 No. (120).

'.(

)

ʳ.(

)

ʳ.(

.

)

.

-
- 1 No. (47).
 - 2 No. (55).
 - 3 No. (56).

'.(

ʳ.(

)

)

ʳ.(

€.(

)

)

-
- 1 No. (58).
 - 2 No. (59).
 - 3 No. (60).
 - 4 No. (61).

'.(

)

'.(

)

1 No. (57).
2 No. (63).

'.(

)

ᳵ.(

)

ᳶ.(

-
- 1 No. (62).
 - 2 No. (17).
 - 3 No. (46).

)

()

'.(

)

(pagaloyin iyan so phamangnin iyan)

(odina) "

"

_"

"

1 No. (116), giya-i so dowa-a a ipekonot.

- : -
'.(
)

1 No. (74), giya-i i dowa-a ko sambayang a *Istikharah*.

اللهم

.

١.(

)

.

٢.(

1 No. (32), giya-i i di-i indowa-a o Nabi igira a mizambayang sa Tahajod.
2 No. (30), peda-i sa dowa-a a ipeleka ko sambayang.

)

1.(

()

2.(

3.()

)

4.(

-
- 1 No. (137), dowa-a sa kapamangni sa kabayadi ko bayadan.
 - 2 No. (10), dowa-a ko kasold sa Toilet.
 - 3 No. (11), dowa-a ko kapliyo sa Toilet.
 - 4 No. (13), dowa-a ko kapakapasad magabedas.

1. ()
 2. ()
 3. ()
 4. ()

-
- 1 No. (14), ped a dowa-a ko kapakapagabedas.
 - 2 No. (16), dowa-a ko kapliyo sa walay.
 - 3 No. (18), dowa-a ko kasold sa walay.
 - 4 No. (20), dowa-a ko kasold sa Masjid.

)

'.(

ʻ.()

)

:

ʻ.(

())

-
- 1 No. (21), dowa-a ko kapliyo sa Masjid.
 - 2 No. (1), dowa-a si-i ko kapakanaw.
 - 3 No. (89), dowa-a igira a kiyapitaan so taw.

'.(

)

'.(

-
- 1 No. (5), dowa-a ko kasolota ko nditaren.
 - 2 No. (6), dowa-a ko kapakanditar sa bago.

**So okit a kiyasambayang o
Nabi (ﷺ)**

Inisorat i Shaikh

Abdul Aziz Bin Baz

Iniranon i

Monib M. Sarangani

كيفية صلاة النبي

صلى الله عليه وسلم

لسماحة الشيخ

عبد العزيز بن باز

ترجمة

منيب ممدوح سرنجاني

باللغة الفلبينية

(مرناو)